



REGI.

Cùm in REGIS reditum gratulatoriam
Orationem Universitatis nomine & jussu
haberet CAROLUS LE BEAU, in ejusdem
Universitatis Collegio Grassinæo Rhetor-
ices Professor, die tertiâ mensis Decem-
bris, anno Domini 1744.

O D E.



REGO furores contudit hostium,
Morbique victor jam LODOIX redit,
Et sospes optatum gementi
Restituit populo parentem.

Suspriorum sat dedimus; venit
Lauro decorus REX bonus, aureâ
Quem pace semper nos beantem
Pacis amor rapuit per arma.

898 Qui fulminantem mœnia senferat ;
 Sensit benignum mox Batavus, trium
 Ut oppidorum mole fractâ ,
 Suppliciter veniam poposcit.
 Non Ille cædis scilicet appetens
 Infana quærit prælia barbarus :
 Vincit ; sed hostes vi subactos
 Servat amans, animosque vincit.
 Educit alveo Legia nunc caput
 Undasque tanto REGE superbior
 Volvit tumentes, atque totis
 Hunc Dominum velit esse ripis.
 O vos sub illo queis Duce contigit
 Tentare Martem, scitis ut horridos
 Audax per enses ire, vitam
 Sollicitus regeret Suorum.
 Lecto jacentes visere sedulus,
 Arti medentum quidquid inest opis,
 Curat parari, recreatque
 Alloquio facili dolores.
 Ardore quanto Gallica pectora
 Inflammat almi PRINCIPIS indoles,
 Non fossa, non tures morantur ;
 Præcipitant medios per ignes.

Ite, ite fortes : Austriacus minax

In se retortos lugeat impetus;

Volate quo REX cunque ducit:

Alsatix miseros tumultus

Auditis? agros prædo perambulat

Infensus ... at vos quis ligat insolens

Torpor? quid ad laudem ruentes

Exanimat, tenuitque cursum?

Proh fata! nobis præsidium breve

Ergo perires, MAXIME REX? iter

Abrumpit heu! morbus, nec ullam

Spem super attonitis relinquit.

Quam multa Gallis funera duceret

Mors una? diram, summe Deus, potes,

Averte pestem; jam caducum

Sustineant pia vota fulmen.

Audis precantes: tetra lues fugit,

Discitque sanguis lambere lenior

Venas, & antiquam per artus

Ire jubet nova vis salutem.

Post tot labores ecce datur frui

Vultu beato! mœnia REX subit,

Magnique Victorem Friburgi

In Patriam revehit Triumphus.

900. Denfant euntem, quos alit Urbium
Regina, Cives. Blandus ut aspicit!

Ut vota plaudentum vicissim

Voce refert! POPULUSQUE VIVAT.

Vivemus & nos, OPTIME PRINCIPUM;

Seu Bella tractet, seu vacet Artibus

Pacis, vigebit Te valente

Incolumis, LODOICE, Gallus.

JOANNES QUERVELLE, Humanitatis
Professor, in Sorbonæ-Plesæo.

Cum Permissu. Die 28 Novembris,
anno 1744. FEYDEAU DE MARVILLE.

Ex Typographiâ THIBOUST, REGIS Typographi, in Platâ Cameracensi.